



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones ab Alexandro VIII. Innocentio XII. & Clemente
XI. editas

Luxemburgi, 1739

LXI. Prohibitio receptionis illegitimorum in Provincia Angelopolitana Ord.
FF. Præd.

[urn:nbn:de:hbz:466:1-74715](https://nbn-resolving.org/urn:nbn:de:hbz:466:1-74715)

Delegatos, etiam Causarum Palatii Apostolici Auditores judicari, & definiti debere; ac irritum & inane, si secus super his a quoquam, quavis auctoritate scienter, vel ignoranter contigerit attentari.

§. 3. Non obstantibus Constitutionibus, & Ordinationibus Apostolicis, ceterisque contrariis quibuscumque.

§. 4. Volumus autem, ut ipsarum Literarum transumptis, seu exemplis, etiam impressis manu alicujus Notarii publici subscriptis, & sigillo personæ in Ecclesiastica Dignitate constitutæ munitis, eadem prorsus fides in Judicio, & extra illud habeatur, quæ haberetur ipsis præsentibus, si forent exhibitæ, vel ostensæ.

Datum Romæ apud S. Petrum sub Annulo Piscatoris die XXIII. Decembris MDCCV. Pontificatus nostri Anno Sexto.

LX.

Conceditur Indulgentia plen. perp. pro Ecclesiis Canonicorum Regularium S. Augustini Congregationis S. Rufi in festis SS. Augustini, Rufi, & Monicæ.

CLEMENS PAPA XI.

Ad perpetuam rei memoriam.

Dat. 12. Jan.
1706. An. 6.

Exordium.

Commisæ Nobis a Domino Nostro Jesu Christo dispensationis ratio exigit, ut Cælestium munerum Thefauros ad augendam in Terris Sanctorum in Cælo regnantium venerationem, fovendamque, & incitandam erga illos fidelium devotionem, fideli prudentia quantum nobis ex alto conceditur erogare studeamus.

Preces Præpositi Gen.

§. 1. Supplicationibus itaque dilecti filii moderni Abbatis Monasterii S. Rufi Præpositi Generalis Congregationis Canonicorum Regularium ejusdem S. Rufi Ordinis S. Augustini nomine Nobis super hoc humiliter porrectis inclinati, ac de Omnipotentis Dei misericordia, & Beatorum Petri, & Pauli Apostolorum ejus auctoritate confisi, omnibus utriusque sexus Christianidelibus vere pœnitentibus, & confessis, ac Sacra Communionem refectis, qui aliquam ex Ecclesiis quorumcumque Monasteriorum Canonicorum Regularium dictæ Congregationis hætenus erectis, & in futurum quandocumque erigendis, ac ubicumque locorum existentibus in præfatorum Sanctorum Augustini, & Rufi, ac S. Monicæ festis diebus a primis vespere usque ad occasum solis dierum hujusmodi singulis annis devote visitaverint, & ibi pro Christianorum Principum concordia, hæresum extirpatione, ac S. Matris Ecclesiæ exaltatione pias ad Deum preces effuderint, quo die prædictorum id egerint, plenariam omnium peccatorum suorum Indulgentiam, & remissionem misericorditer in Domino concedimus. Præsentibus perpetuis futuris temporibus valituris.

Concessio præd. Indulgentiæ.

Clausulæ.

§. 2. Volumus autem, ut præsentium literarum transumptis, seu exemplis, etiam impressis manu alicujus Notarii publici subscriptis, & sigillo personæ in Ecclesiastica dignitate constitutæ munitis, eadem prorsus fides in Judicio, & extra illud ubique locorum habeatur, quæ ipsis præsentibus haberetur si forent exhibitæ, vel ostensæ.

Datum Romæ apud S. Petrum sub Annulo Piscatoris die XII. Januarii MDCCVI. Pontificatus nostri Anno Sexto.

LXI.

Confirmatur Decretum Generalis Ord. Prædicatorum, quo prohibetur receptio illegitimum in Provincia Angelopolitan.

De dimissione Fratrum e Congregatione S. Sabinae, & eorum receptione agitur Bened. XIII. Const. ed. 1724. Maji 1. P. 1.

CLEMENS PAPA XI.

Ad futuram rei memoriam.

Dat. 15. Jan.
1706. An. 6.

Exponi Nobis nuper fecit dilectus filius Ferdinandus de Elpinola frater expresse professus Ordinis Prædicatorum Provinciæ Angelopolitan. dicti Ordinis in Sacra Theologia Magister, quod dilectus pariter filius Antonius Cloche Magister Generalis Ordinis hujusmodi spirituali quieti Religiosorum ejusdem Provinciæ non modicas ob frequentem in illis partibus Illegitimum ad habitum Regularem Ordinis hujusmodi receptionem perturbationes patientium consulere peroptans suo peculiari Decreto die 9. Septembris anni proxime præteriti edito omnibus, & singulis Superioribus Provinciæ prædictæ in virtute Spiritus Sancti, & Sanctæ Obedientiæ sub formali præcepto, necnon sub pœna absolutionis ab officio ipso facto incurrenda prohibuit, & interdixit, ne sub quovis titulo, seu prætextu ad habitum, & Ordinem hujusmodi quempiam illegitime genitum, etiam ex soluto, & muliere soluta cujusvis conditionis, & qualitatis existat, absque expressa pro tempore existentis Magistri Generalis Ordinis prædicti in scriptis, & cum specifica derogatione prohibitionis hujusmodi concedenda licentia admittant, irritum, & inane declarans quidquid in contrarium contigerit attentari, & alias prout in eodem Decreto uberior dicitur contineri.

Causa præd. Decretum 1705. Sep. 9. editi.

Preces Magistri de Elpinola.

§. 1. Cum autem, sicut eadem expositio subjungebat, dictus Ferdinandus Decretum hujusmodi quo firmiter subsistat, & servetur exactius Apostolicæ confirmationis nostræ patrocio communiri plurimum desideret. Nos specialem ipsi Ferdinando gratiam facere volentes, eumque a quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis a jure, vel ab homine quavis occasione, vel causa latis, si quibus quomodolibet innodatus existit ad effectum præsentium dumtaxat consequendum harum serie absolventes, & absolutum fore censentes, supplicationibus ejus nomine Nobis super hoc humiliter porrectis inclinati, de Venerabilium Fratrum nostrorum S. R. E. Cardinalium negotiis, & consultationibus Episcoporum, & Regularium præpositorum, qui dilectum etiam filium moderatum Procuratorem Generalem Ordinis prædicti super præmissis audiverunt consilio, supradictum Decretum auctoritate Apostolica, tenore præsentium confirmamus, & approbamus, illique inviolabilis Apostolicæ firmitatis robor adjectimus, salva tamen semper in præmissis auctoritate Congregationis eorundem Cardinalium.

Confirmatio relati Decreti.

§. 2. Decernentes easdem præsentibus literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac ab illis, ad quos spectat, & pro tempore quandocumque spectabit, inviolabiliter observari: Sicque in præmissis per quoscumque Judices Ordinarios, & Delegatos, etiam Causarum Palatii Apostolici Auditores judicari, & definiti debere, ac irritum, & inane, si secus super his a quoquam quavis auctoritate scienter, vel ignoranter contigerit attentari.

Clausulæ.

§. 3. Non obstantibus Constitutionibus, & Ordinationibus Apostolicis, ac quatenus opus sit Provinciæ, & Ordinis prædictorum, etiam juramento, confirmatione Apostolica, vel quavis firmitate alia roboratis statutis, & consuetudinibus; privilegiis quoque, indultis, & literis Apostolicis, in contrarium præmissorum quomodolibet concessis, confirmatis, & innovatis. Quibus omnibus, & singulis, illorum tenores præsentibus pro plene, & sufficienter expressis,

ac ad

ac ad verbum insertis habentes, illis alias in suo robore permansuris ad præmissorum effectum hac vice dumtaxat specialiter, & expresse derogamus, cæterisque contrariis quibuscumque.

§. 4. Volumus autem, ut earumdem præsentium literarum transumptis, seu exemplis, etiam impressis manu alicujus Notarii publici subscriptis, & sigillo personæ in Ecclesiastica dignitate constitutæ munitis, eadem prorsus fides ubique locorum tam in judicio, quam extra illud habeatur, quæ ipsis præsentibus haberetur, si forent exhibitæ, vel ostensæ.

Datum Romæ apud S. Petrum sub Annulo Piscatoris die XV. Januarii MDCCVI. Pontificatus nostri Anno Sexto.

LXII.

Declarantur nulla acta in Indiis collata a Generali Inquisitore, Archiepiscopo S. Fidei, Episcopo S. Marthæ, & Curia Laicali adversus Episcopum Carthaginen. Immunitatis Ecclesiasticæ jura tuentem, cum nonnullis aliis declarationibus, & Statutis.

Inn. XII. Const. ed. 1693. Sep. 1. P. 3. declarata fuisse nulla edita Prætoris Cremonen. de festo S. Dominici. Et hujus Pontificis Const. ed. 1707. Jan. 1. P. 7. declaratur nullum editum Archiepiscopi Goan. contra jurisdictionem Commissarii Apost. in Indiis Orient.

CLEMENS PAPA XI.

Ad futuram rei memoriam.

Dat. 19. Jan. 1706. An. 6.

Lis orta inter Episcopum Carthaginen. & alios prædd.

Quæ ad examen revocata fuit a speciali Congregatione 1703. 1704.

Approbantur acta Episcopi Carthaginen. & nulla declarantur illa partis adversæ.

Eadem revocantur, & irrita pronunciantur.

Quomodo procedendū adversus partem contrariam, & delinquentes; atque Tribunal Inquisitionis in Civitate Carthaginen. a boletur.

EX commissi Nobis divinitus pastoralis officii debito causam inter Venerabilem Fratrem Michaellem Antonium Episcopum Carthaginen. in Indiis ex una, & Dilectos filios Franciscum Varelam adversus hæreticam pravitatem Inquisitorem in dicta Civitate auctoritate Apostolica deputatum, ac Officiales, seu Ministros Curie Laicalis, necnon Venerabiles Fratres tunc existentes Archiepiscopum Sanctæ Fidei, & Episcopum Sanctæ Marthæ, aliosque ex altera partibus vertente dirimere cupientes, de Congregationis nonnullorum ex Venerabilibus Fratribus nostris S. R. E. Cardinalibus a Nobis specialiter deputata, quæ diebus 11. Decembris 1703. & 11. Januarii 1704. si ita Nobis placuisset, ut infra, censuit, consilio, omnia acta per dictum Michaellem Antonium Episcopum esse rite, & bene gesta, & vice versa cuncta, quæ per dictos Inquisitorem, & Curie Laicalis officiales, seu Ministros, ac Archiepiscopum Sanctæ Fidei, & Episcopum Sanctæ Marthæ contra prædictum Michaellem Antonium Episcopum gesta fuerunt, esse nulla, invalida, & attentata, auctoritate Apostolica, tenore præsentium declaramus.

§. 1. Et nihilominus ad majorem cautelam, & quatenus opus sit, illa omnia, & singula revocamus, cassamus, irritamus, annullamus, & abolemus, viribusque, & effectu penitus, & omnino vacuumus, ac pro revocatis, cassatis, irritis, nullis, invalidis, & abolitis, viribusque, & effectu penitus, & omnino vacuis semper haberi debere decernimus, & pariter declaramus.

§. 2. Cæterum præfati Archiepiscopus Sanctæ Fidei, & Episcopus Sanctæ Marthæ, cæterique omnes supranominati consulant conscientiam suam pro eorum absolutione. Quo vero ad Canonicos, aliosque Ecclesiasticos, etiam Regulares delinquentes dictus Michael Antonius Episcopus in reditu ad suam Ecclesiam contra illos non obstante quacumque præfata exemptione per eos forsan adducenda, prout de jure procedat, & jam excommunicati curent sibi concedi absolutionem a præfato Michaelle Antonio Episcopo, qui prævio edicto offerat illam com-

parentibus infra terminum præfigendum, excepto Canonico cognominato *Bentancur*, cui uti magis culpabili, & in suis delictis detestabili dictus Michael Antonius Episcopus de mandato nostro injungat, ut ad hanc Almam Urbem nostram accedat, firmis tamen remanentibus privatione Canonicatus, & præbendæ, necnon Beneficiorum, aliisque pœnis eo per memoratum Michaellem Antonium Episcopum inflictis. Præterea Tribunal Inquisitionis a dicta Civitate Carthaginen. amovendum esse harum serie etiam decernimus.

§. 3. Quo vero ad illos, qui Carcerationem, exilium, & quamplures alias penas passi fuerunt, ex quo eidem Michaeli Antonio Episcopo adhaerent, eisdem, & eorum familiis tam in puritate sanguinis, quam in nobilitate, prout etiam quoad officia, & quæcumque beneficia cum cura, & sine cura, Canonicatus, & præbendas, ac Dignitates, etiam primas, necnon quascumque Cathedralis, & Metropolitanas Ecclesias obtinendas nullum præjudicium illatum fuisse, ac illis omnes multas, aliaque damna passa pariter rescindenda esse, & processus contra eosdem formatos pro abolitis, & cassatis habendos esse auctoritate, & tenore præfatis itidem declaramus.

§. 4. Insuper subjectionem Monasterii Monialium Sanctæ Claræ Civitatis prædictæ eidem Michaeli Antonio Episcopo juxta declarationem tunc existentium ejusdem S. R. E. Cardinalium negotiis, & consultationibus Episcoporum, & Regularium præpositorum, & quædam fe. re. Innocentii PP. XI. Prædecessoris nostri desuper in simili forma Brevis expeditas literas quarum tenorem præsentibus pro plene, & sufficienter expresso, & inserto haberi volumus, cum privatione omnium officiorum, ac vocis activæ, & passivæ in perpetuum respectu illorum Fratrum, qui complices, & culpabiles de tot insultibus, & violentiis contra Monasterium, & Moniales hujusmodi commissis reperti fuerunt, factam confirmamus, & approbamus, illique inviolabilis Apostolicæ firmitatis robur abjicimus. Porro dilectus filius Minister Generalis Ordinis Fratrum Minorum S. Francisci de Observantia nuncupatorum procedat, prout de jure ad executionem pœnæ adversus delinquentes, iique pro absolutione a censuris incurfis ad eundem Michaellem Antonium Episcopum recurrere teneantur.

§. 5. Ulterius omnia alia Monialium Monasteria cujuscumque Ordinis, si quæ adsint, (excepto Ordine Sancti Augustini) a jurisdictione, & regimine spirituali, & temporali Religiosorum, quibus Monasteria hujusmodi subiecta sunt, eadem auctoritate ipsarum tenore præsentium perpetuo eximimus, ac illa omnimodæ jurisdictioni tam in spiritualibus, quam in temporalibus memorati Michaelis Antonii, & pro tempore existentis Episcopi Carthaginen. subijcimus.

§. 6. Demum zelum præfati Michaelis Antonii Episcopi pro omnibus ad suæ dignitatis, jurisdictionis Ecclesiæ, & Immunitatis Ecclesiasticæ defensionem gestis plurimum in Domino commendantes illum de omnibus Ecclesiæ suæ fructibus decursis, & non exactis, necnon de omnibus damnis occasione ejusmodi indebitæ vexationis per ipsum passis, reintegrandum esse decernimus.

§. 7. Decernentes pariter easdem præfatas literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac dicto Michaeli Antonio Episcopo, aliisque ad quos spectat, & pro tempore spectabit in omnibus, & per omnia plenissime suffragari, & ab eis respectivo inviolabiliter observari: sicque in præmissis per quoscum-

Quid de iis, qui plura injuste passi sunt.

Monasterium Monialium S. Claræ Episcopo subijcitur: & Fratres Minores puniuntur.

Omnia alia Monialium Monasteria, uno excepto Episcopi jurisdictioni subijcuntur.

Antonius Episcopus Carthaginen. merito ornatur elogio.

Clausula.